

COMUN: Racoiüda dl ciomënt da tosser en dedolönesc, ai 12 de novëmber, dales 9.00 ales 10.00, dan le magazin di stödafüch a San Martin.

PLOANIES SAN MARTIN Y LUNGIARÜ

Tl'injunta a chësta plata ciafëise da siur Klaus la lista di termi por i bati che vëgn tignis proscimamënter tles 6 ploanies.

La Caritas ne mët en chësc ann nia a jí la racoiüda de guant vere, mo al pó gní dé jö inant di containers dla Caritas.

SAN MARTIN

N gran dilan ales porsones che á daidé puzené l'apartamënt de calonia.

D'Advënt sarál la ocasiun da jí a se confessé (don Marco Veghini) dan le Rorate dla sabeda sëra, dales 18.00 ales 18.30.

De Advënt tignunse Rorate la sabeda (18.30), la domënia (10.00), dedolönesc y jöbia dales 19.00. Por les sabedes y les jöbies vëgnel chirí grups de porsones (ince ma de pici grups, porsones jones o manco jones) por le cianté y/o le soné. Prëibel anunziësse pro Carla Ploner (335 71 74 220) o pro Romi Crazzolara (339 71 64 521).

LUNGIARÜ

I geniturs di mituns dla scolina inviëia düc i mituns cun geniturs y amisc ala picia sfilada da San Martin en lönesc ai 11 de novëmber. I s'incuntun dales 17.00 tla plaza dan la scora a Lungiarü con la linterna.

La Uniun di Èi da Lungiarü inviëia düc da gní a fá le trú di crisc en domënia ai 17 de novëmber, dales 14.00. I piun da dlíjia demez.

Cursc da cujiné cun Hermann Dapoz ai 12 y ai 13 de novëmber dales 19.00 tla scora da Lungiarü. Prenotaziuns pro Annamaria 338 73 75 305

I seniors da Lungiarü s'incunta en sabeda, ai 16 de novëmber, tl ex local dla posta, dales 14.00, a n domisdè da pastelne cun fi da makramee y sté adöm

Nadé tla scatora dai cialzá por mituns y mitans manco fortuná co nos. Düc pó tó pert: decoré na scatora dai cialzá o tó les scatores che é metüdes fora apé de dlíjia y te botëga da Annelies, an mët ite scincundes por mituns/ans da 2-4 agn, da 5-9 agn o da 10-14 agn (eticheté söla scatora).

An pó mët ite:

Scincunda WOW: peluche, popes, auti...

Articui por l'igiëna: cremes, busc dai dënz...

Material da scora: corusc, sföisc, astucci...

Guant: ciüries, cialzines, manëces...

Duciaries che ne toma nia dan la fin de merz.

Les scatores pon dé jö cina ai 15 de novëmber te botëga o a na mëmbra dl consëi dl KVV: Emma, Roberta, Myriam, Annamaria. Dilan!



unitepastorala.org

Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
redaziun: anton.gasser@rolmail.net - 348 27 44 517 / 0474 523



10.11. - 17.11.24 n. 50

termo por comunicaziuns: jöbia, dales 20.00

32^a DOMËNIA IA POR L'ANN B

Vangele do san Merch 12, 38-44

..... Canche Gejü ê n iade sentè defrunt ala cassa dal'oferta, ciarâl pro coche la jënt sciurâ scioldi tla cassa. Al n'ê tröc de ric che gnô y dê tröp. Spo él ince gnü na püra vëdua y à sciuré ite döes de pices monëdes. Al à cherdè pormez sü discepu y à dit: Amen, i ves diji: Chësta püra vëdua à sciuré tla cassa dal'oferta deplü co düc i atri. Deache düc à ma sciuré ite val' ch'ai â dessurora, mo chësta ëra, che à apëna da vire, ara à dè döt cí ch'ara â, döt so avëi por vire.



La püra vëdua ne dá nia ma ca ci ch'ara adora da vire, mo ara dá ca döt. Ara á ma plü döes de pices monëdes, öna n'essera bëgn podü se salvé, mo ara les dá ca trames döes.

Dan da na dezijiun tan radicala se temunse bëgn plütosc.

Ince Gejü dará ia döt ci ch'al á, cinamai süa vita.

Al dará ia döt, sciöche la vëdua, confidan che Idí fajará val' de gran adinfora.

Chë püra ëra y l'ël da Nazaret, che n'á degöna pora da dé ia döt, é por nos na sbürta da ne s'la tó nia comota.


Ci sunse pa arjgná da dé ia, confidan ch'i diventun plü ric co denant?

Te ci situaziuns cherdunse pa, che Idí fistidiëia por nosta vita y ch'al nes tëgn te sües mans?

É chësc n vangele che nes fej pora, che ghira demassa da nos?

O él n vangele che nes dá la ligrëza y la contentëza che te nosta meseria podunse confidé deplëgn tla providënza de Dî y se lascé sön ël?

| EDEMA - B | SAN MARTIN | LUNGIARÜ |
|--|--|---|
| 10.11.24 32ª DOMÈNIA - B | Festa de nosc patron San Martin 8.15 Gran Mëssa por la comunité assunziun di sorvidus y sorvidësses nöies de rengraziamënt fam. Martin y Milia Rives + Franz Conrater, dl ann + Loise Ploner Unterweger ++ Trebo dl Tasser | 7.50 Corona 8.15 Gran Mëssa por la Comunité de rengraziamënt fam. Ricá Moling ++ de Balzè y Alní dl ann + Zezilia Daporta dl ann + Simone Mischi |
| 11.11.24 <i>Martin da Tours</i> Lönesc | 16.45 Prozesciun dla scolina cun les linternes | 7.45 Mëssa di scolars ++ Nando y Veneranda Clara ++ de Vanc + Sepl Clara, Sanvi 17.00 Prozesciun cun les linternes |
| 12.11.24 <i>Iosafat, Renat</i> Dedolönesc | 8.00 Mëssa +++ Giovanni, Maria y Pia Trebo por les püres animes | |
| 13.11.24 <i>Carl Lampert</i> Dedemesaledema | | |
| 14.11.24 <i>Veneranda</i> Jöbia | | |
| 15.11.24 <i>Albert, Leopold</i> Vëndres | 18.30 Adoraziun chîta 19.30 Adoraziun deboriada | |
| 16.11.24 <i>Margareta, Otmar</i> Sabeda | 18.30 Mëssa prefestia + Maria Vantsch Sorà + Sepl Flöss, d'Arzó + Martin Moling, dl ann | |
| 17.11.24 33ª DOMÈNIA - B De mondial di püri Domènia dla Caritas | 9.30 Corona 10.00 Gran Mëssa por la Comunité a d'intenziun de Sant Ojöp da Oies por familia de Alfred Ploner + Albert, Emma y Artur Conrater Oferta por la Caritas | 7.50 Corona (pater Franz) 8.15 Gran Mëssa por la Comunité en onú de San Cristofer dl ann + Albert Daverda ++ Franz y Ludmilla ++ Bino Clara y Flavia Costa Oferta por la Caritas |



Ascutede, os cii, i ó baié,
la tera ti mëtes averda a mies parores.

Mi insegnamënt gnará jö sciöche la plöia,
mia noela tomará jö sciöche la rosada,
sciöche les gotes dla plöia sön l'erba
y sciöche perles dla rosada sön les plantes.

I ó incundé l'inom dl Signur.
Aprijede la grandèza de nosc Dî!

Al á inom: le crëp.
Perfet é döt ci ch'al fej;
deache düc sü trus é dërc.

Al é n Dî fedel che ne se fala nia,
al é iüst y sinzier.

Ne n'é ël nia to pere, to creatur?
Ne t'ál nia formé y metü olache t'es?

Pënsa do ai dis dl tēmp passé;
impara dai agn dla storia.

Damana to pere, al te cuntará.
Damana i vedli, ai t'al dijará.

Deuteronomie 32,1-4, 6-7

Bel Dî,
tö te demostres gran y potënt te tûa creaziun,
te operëies de gran cosses por to popul.
Dëidesse da te conësce y da se convertí a te!

La biblioteca Sas dla Crusc inviëia en dedolönesc ai 12 de novèmber dales 15.00 te biblioteca a San Martin a n domisdé cun stories, pastelné y jüc por mitans y mituns dla scora elementara.

Le Museum Ladin inviëia a n domisdé creatif en mercui, ai 20 de novèmber, dales 15.00 - 16.30 tl MusLa Ciastel de Tor. Descuriun adöm la usanza da fá stères de stran y porvun da nen fá valgönes instësc. Le laboreto é por mitans/uns dla 3ª, 4ª y 5ª elementara y mesana acompagná. I periun da ves prenoté a prenotaziuns@musemladin.it o 0474 524020. Le cost é de € 5,00 por möt/a.

Vico Travel vá indô ai Marciá da Nadé la sabeda ai 30 de novèmber. Mail: info@vicotravel.it o WhatsApp 335 61 16 528